



Avda. Emilio González López, 1
15113 MALPICA DE BERGANTIÑOS
Teléfs. 981 72 03 18 – 981 72 03 19 – 981 72 00 01
Fax 981 72 16 27
E-mail: correo@malpica.dicoruna.es
RELGA. MU – 2000/175 CIF: P-1504400A

INFORME DA NECESIDADE (ARTIGO 28 LCSP)

Expediente de contratación de obras “Mellora do camiño municipal de Cerqueda a Pozacas” (2018/C003/000013).

1. De acordo co establecido no artigo 28 da Lei 9/2017 de 8 de novembro de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE , de 26 de febreiro de 2014, os entes, organismos e entidades do sector público non poderán celebrar outros contratos que aqueles que sexan necesarios para o cumprimento e realización dos seus fins institucionais. A tal efecto, a natureza e extensión das necesidades que pretenden cubrirse mediante o contrato proxectado, así como a idoneidade do seu obxecto e contido para satisfacelas, cando se adxudique por un procedemento aberto, restrinxido ou negociado sen publicidade, deben ser determinadas con precisión, deixando constancia de esta na documentación preparatoria, antes de iniciar o procedemento encamiñado á súa adxudicación.

2. En data de 21 de setembro de 2018 (R.E. nº 4226 de 21 de setembro de 2018) asínase un Convenio de colaboración entre a Excmá Deputación Provincial da Coruña e o Concello de Malpica de Bergantiños para a cofinanciación das obras do proxecto denominado “ **Mellora do camiño municipal de Cerqueda a Pozacas**”.

3. O proxecto técnico obrante no expediente contén a declaración de obra completa e a acta de replanteo previa. A finalidade que se trata de conseguir co citado proxecto, tal e como se xustifica na memoria, é realizar as labores precisas de mellora, mantemento e conservación do camiño municipal que une Cerqueda e As Pozacas, dado o deterioro sufrido polas intensas choivas de decembro de 2017.

4. Consta resolución de Alcaldía nº 348/2018 de 4 de xullo de 2018 acordando a solicitude da subvención e a aprobación do proxecto técnico denominado “ **Mellora do camiño municipal de Cerqueda a Pozacas**”, informado favorablemente segundo informe técnico emitido en data de 16.03.2018 pola ATM dona Patricia García Varela.

5. Este Concello non conta con medios persoais nin materiais para acometer esta obra.

6. De conformidade co sinalado na Base Cuarta do citado Convenio, o concells contratará o investimentos utilizando os pregos-tipo de cláusulas administrativas particulares aprobados expresamente por esta Deputación, pregos actualmente adaptados á nova Lei 9/2017 de 8 de novembro de contratos do sector público, aprobados polo Pleno da Deputación da Coruña en sesión realizada o 27 de abril de



Avda. Emilio González López, 1
15113 MALPICA DE BERGANTIÑOS
Teléfs. 981 72 03 18 – 981 72 03 19 – 981 72 00 01
Fax 981 72 16 27
E-mail: correo@malpica.dicoruna.es
RELGA. MU – 2000/175 CIF: P-1504400A

2018. (BOP nº 82 de 2 de maio de 2018 e páxina web provincial), debendo utilizar necesariamente o procedemento aberto ou o procedemento aberto simplificado..

7. Así e de conformidade co establecido anteriormente e co artigo 159 da LCSP (os órganos de contratación poderán acordar a utilización dun procedemento aberto simplificado nos contratos de obras sempre que o seu valor estimado sexa igual ou inferior a 2.000.000 de euros e sempre que entre os criterios de adjudicación previstos no prego non haxa ningún avaliable mediante xuízo de valor ou de habelos a súa ponderación non supere o 25% do total, salvo no caso de que o contrato teña por obxecto prestacións de carácter intelectual), óptase pola licitación mediante **procedemento aberto simplificado**, con arranxo ás puntuacións determinadas por esta Alcaldía no marco dos pregos tipo aprobados pola Deputación da Coruña, empregando como único criterio de adjudicación o factor prezo dado que:

1º.- A vista da experiencia obtida nas contratacións relativas ao POS+2018 xa iniciadas-2018/C003/000006 e 2018/C003/000008- foron detectados erros nos citados pregos consistentes en errónea determinación do criterio de redución de prazos que levou a aclaracións polo órgano de contratación; escasa claridade na redacción dos dos criterios de estabilidade no emprego que leva a erros interpretativos na formulación de propostas polos licitadores- considerando que os citados pregos tipo non se poden modificar polo órgano de contratación.

2º.- A estimación doutros criterios predefinidos pola Deputación para a adjudicación do contrato non se considera que sexan determinantes dunha mellor execución no mesmo á vista da definición que ofrece o proxecto técnico de obras.

7. Se ben é certo que o artigo 99.3 da Lei 9/2017 de 8 de novembro, de contratos do sector público establece que *“sempre que a natureza e o obxecto do contrato o permitan, deberá preverse a realización independente de cada unha das súas partes mediante a división en lotes... Non obstante o órgano de contratación poderá non dividir en lotes o obxecto do contrato cando existan motivos válidos, que deberán xustificarse debidamente no expediente...”*

A estes efectos para a aplicación da división en lotes ás obras e ás subministracións incluídas no POS+2018, deben terse en conta as seguintes consideracións relativas ás circunstancias e ás consecuencias que suporía para o Concello:

- As Bases reguladoras do POS+ 2018 foron aprobadas polo Pleno desta deputación na sesión realizada o 29 de setembro de 2017 e publicadas no BOP nº 188 de 3 de outubro de 2017, antes da publicación da nova Lei 9/2017, do 8 de novembro, de contratos do sector público, publicado no BOE nº 272 do 9 de novembro de 2017

- Os Proxectos das obras e os pregos das subministracións foron redactados de acordo coas Bases reguladoras do POS+ 2018 e co entón vixente Real Decreto Legislativo



CONCELLO
DE
MALPICA DE BERGANTIÑOS
(A CORUÑA)

Avda. Emilio González López, 1
15113 MALPICA DE BERGANTIÑOS
Teléfs. 981 72 03 18 – 981 72 03 19 – 981 72 00 01
Fax 981 72 16 27
E-mail: correo@malpica.dicoruna.es
RELGA. MU – 2000/175 CIF: P-1504400A

3/2011, do 14 de novembro, polo que se aproba o Texto Refundido da Lei de contratos do sector público, que non prevían a división en lotes

- A división en lotes tería un importante custo económico para os concellos e implicaría unha maior dedicación do seu persoal técnico e administrativo, pola necesidade de redactar documentos técnicos independentes para cada lote que servisen de base á licitación coa seguridade xurídica necesaria para definir con exactitude o obxecto do contrato

- Aínda que algúns proxectos ou pregos inclúen distintos orzamentos parciais ou partes que poderían ser adxudicados por lotes, moitas veces existen partidas comúns a todas elas, como son as relativas á seguridade e saúde, ao control de calidade, á xestión de residuos, e outros conceptos cuxa aplicación aos distintos lotes esixiría realizar novos cálculos nos novos documentos técnicos para a adxudicación en lotes

- Incrementaríase o número de expedientes de licitación que o concello tería que realizar, co conseguinte custo de tempo e de recursos persoais e materiais

- A división en lotes suporía un retraso na adxudicación dos investimentos, e polo tanto na súa execución, pola necesidade de realizar, con carácter previo á licitación, tarefas técnicas e administrativas de división en lotes do proxecto ou prego e, como consecuencia, polo incremento do número de expedientes de contratación

- A dirección técnica das obras e das subministracións complicaríase debido ao incremento do número de contratistas adxudicatarios como consecuencia da división en lotes, o que ademais dificultaría a necesaria coordinación da execución dos distintos investimentos nos concellos

Por todo o exposto esta Alcaldía, en calidade de órgano de contratación, considera suficientemente xustificada a adxudicación do respectivo contrato sen división en lotes en base á fundamentación anteriormente indicada.

8. Mediante informe do ATM, Dona Patricia García Varela, de data 16.03.2018 acredítase a dispoñibilidade dos terreos xa que a vía sobre a que se pretende actuar figura na cartografía do planeamento vixente en consta no Inventario do Patrimonio Municipal de Bens, indicándose que non son precisas autorizacións para a execución da presente actuación nin a supervisión do proxecto.

Visto o proxecto de obras “**Mellora do camiño municipal de Cerqueda a Pozacas**” asinado polo arquitecto Arquitecto Gonzalo García Martínez, e que se concreta nun orzamento base de licitación de 54.180,92 € ao que se engade a cantidade de 11.377,99 € en concepto de IVE (21%), facendo un prezo total de licitación de 65.558,91 €.

Por todo o anterior, PROPOÑO:



CONCELLO
DE
MALPICA DE BERGANTIÑOS
(A CORUÑA)

Avda. Emilio González López, 1
15113 MALPICA DE BERGANTIÑOS
Teléfs. 981 72 03 18 – 981 72 03 19 – 981 72 00 01
Fax 981 72 16 27
E-mail: correo@malpica.dicoruna.es
RELGA. MU – 2000/175 CIF: P-1504400A

Que previos os trámites que se estimen oportunos se realice a contratación proposta, solicitando coa presente que:

1º.- Se emita o correspondente certificado de existencia de crédito.

2º.- Que se incorporen ao expediente:

2.1 Os pregos reguladores da presente contratación (pregos tipo aprobados polo Pleno da Deputación Provincial de A Coruña en sesión o realizada o 27 de abril de 2018. BOP nº 82 de 2 de maio de 2018 e páxina web provincial) coas puntuacións determinadas pola Alcaldía.

2.2 Que se emitan os informes previos de secretaría e intervención.

3º.- Efectuado o anterior, déaseme conta aos oportunos efectos.

MALPICA DE BERGANTIÑOS, a 18 de outubro de 2018.

O ALCALDE DE MALPICA DE BERGANTIÑOS, EDUARDO JOSÉ PARGA VEIGA.